

由

拳

集

由拳集卷之二十二目錄

誄

先君丹溪公誄

大司馬張公誄

由拳集卷之二十二

東海屠隆長卿 著

誄

先君丹溪公誄

并序

先君丹溪翁卒享年七十嗚呼哀哉先君生而朴  
直不事機械少讀書已乃棄去業啻賈然天性寬  
仁大度與人共利取其少與人共患輒身先之又  
疎闊弗審稽竒贏之術殖往往失利人或給公沒  
其財公則弗問施與貧乏弗責其報嘗泛舟江上

有啻人四五人持臣櫝來求共載則出海為奸閑者櫝多繒金寶諸禁物舟人覺其狀以告諸啻人倉皇跽請曰事即泄某等皆立死幸公寬之公曰若等誠觸法網願法有主者吾弗持若矣於是諸啻人皆起謝願以帛十縑為公壽公笑曰吾弗發若等而私若貨謂國法何且吾不能與若等共罪不受亦終不發其事也先伯父嘗負官租數百金力不能償責公代為之償公力亦不給強公鬻其第乃公則竟鬻其第以故家益貧公怡然弗為意

晚年則盡捐世務以花木竹石自娛性嗜菊手植  
數百本晨夕把玩以此自老不問諸子生業客至  
與公談世務公嗒然不省談園林蒔藝術一花一  
石之勝公輒應之公春秋既高長於宗黨頽性益  
謙謙偃倭其恭與人處即諸族孫及里中髫髻子  
弟亦必謹禮之無惰容以故人無問長幼賢不肖  
咸敬愛公謂公長者公從子大司寇僑憲副俾及  
族孫少司馬大山旣貴而公獨老布衣相與謀曰  
丹溪翁吾族之長且賢不幸隱德弗耀歲時合族

吾等皆榮紳裳而公獨以布衣儼然詒於其上如  
吾輩何相率請于朝以冠帶榮之公謝曰吾既不  
仕常布自吾今也安敢以諸子故忝朝廷章服之  
榮且古之巢由嚴陵豈必以章服而後重乎爾等  
遭際明時事堯舜之主竭忠宣智以豎鴻業光吾  
宗多矣老夫不願榮貴也諸子強之廼受公既老  
益簡直與人屋立談輒見情實不能稍事欵曲家  
人嘗笑之曰乃翁腹似無腸胡直乃爾公聞之怡  
然曰吾一庸鄙當為神然哉然哉諺有之直如

絃苑道邊曲如鉤封公侯吾今乃生年七十直何  
負於我矣吾即不能弼中彪外以效尺寸於天下  
然厯少壯至老靡敢一苟言行平生操務自謂不  
愧穹壤吾何憾哉諸子有以事忤里中權貴人權  
貴人中之溫御史卒誤逮繫公公忼慨言曰吾脩  
身砥行七十年官逮我何為者吾有罪死則其分  
即無罪彼其如我何毅然不為動已而卒知非公  
也乃釋公逮繫公子云公之柔而有制又若此公  
生六子長佃業儒弗就次侯亦業儒聰明能讀書

坐數竒故又弗就其幼即隆隆恥父兄之弗振而  
家之日落也砥志立名期以勉盡尺寸願隆性又  
疎鹵方困於場屋弗能早遂取功名以為前人光  
而公且下矣嗚呼哀哉先是隆遊學姑蔑公一  
日以無疾終隆在旅中一夕夢拜公與公訣覺而  
大驚即促裝歸歸而公卒七日矣隆痛公之無祿  
即死又痛已之不天不克送公終而羈旅於外也  
一哭而絕絕而復蘇者數四乃仰天大呼曰天天  
隆何得罪於天絕弗令送公終也且公素長者何



不百年而以七十死也即死隆七日至矣何獨不  
令少須臾俟耶嗟嗟隆亦人子生不能養死不及  
送慙愧天地為甚大戮嗚呼痛哉乃作誄誄曰  
大淵之漬厥土膏沃風氣慄厚先公是毓於穆先  
公高華舊族弗習佻巧天性純朴棄瓢箕水挹甕  
漢陰高揖羲皇實忘機心溫夷愷悌去爾睢盱於  
義則厚於財則疎見害弗避見利弗趨大猶同載  
舟人告覺公竟遭之弗私其橐長公逋負鬻第以  
償雖曰無家孔懷弗傷魯有恭士七十偃僂公實

蹈之亦莫敢侮盡捐世務不挂胃臆逍遙東籬夢  
寐彭澤形神弗勞高風遐邈澤乎其德溫乎其宮  
龐眉皓首海岳穹窿嗟公之年胡不耄耄一朝無  
疾神光電滅陰霾障翳白日匿景冥途何長疲臺  
何靜皤皤弱子千里奔還送死弗及罪惡彌天呼  
號泣血摧我肺肝靈輜在室總帳在堂再絕再蘇  
明燈煌煌時維孟冬皜乎繁霜悲風蕭條木落草  
黃高旻寥泬四顧莽蒼於乎哀哉亦孔之傷

大司馬張公誄

并序

萬曆五年丁丑隆登進士第授穎上令歸則大司  
馬東沙先生卒十六日矣先是四年丙子隆舉於  
鄉歸謁公公病謝客隆至延入內室語見先生雖  
病猶神采比入京師數從東來者問先生起居皆  
言體中且大佳矣出見賓客矣泊東還拉就李有  
言先生不諱者愕眙不信拉會稽信矣日疲行臨  
哭先生登木而盡哀泪淫淫浹地上室內外無不  
哀者其父問焉曰子故副腸嘗兩下第同袍咸咨  
嗟子歎傷哉貧也父在淺土母八十老矣而子道

兩開馬顧歲負米千里外而子不渫又以義俠拓  
落故骨於浮言履危險者數矣士大夫咸泣然子  
喑而子不渫曩子餬口四方也壯征也母夫人而  
下穀洎潛如而子不涕蓋生平雅不見子戚今哭  
司馬公若斯哀者何曰某疇咎之哭先君也亦若  
是矣哭先君者哭司馬公平曰管子有言生哉者  
父母知我者鮑子哭先君者哭司馬公奚而過矣  
某齟齬時辱知家司馬謂穀鵠千里虎子食牛手  
余佐言於公公讀而大奇之素幣要某某懷刺往

一見喜出望外俊朗哉如其文他日用文章名海  
內者非之夫則余為無目西司馬遇人輒口屠生  
屠生自髫時有聞則兩司馬力也蓋自是出公門  
下十年公名家操文衡四方多所睥睨顧獨折節  
接引其凡流連光景品藻萬彙及暢叙鴻烈金石  
大作無論長篇短章咸退而與其啗確時有撰著  
他人或無當其則無不當者曰他人敏則窳遲則  
苦或下筆于言矢口無味或數語累月務為刻深  
寸短尺長天刑奈何敏而不窳遲而不苦屠生力

焉嗟嗟某雖媿其言心能無感乎某為諸生好吟  
諷人咸目笑是庖而尸祝者希不兩傷不甞禾稼  
而甞美艸雖勤將安用之舍椽桷而雕龍鳳工無  
益也公曰不然右格猛虎左挽飛猱世有兼材何  
傷之有某少居貧拓落輕財好施千里赴人一言  
掉臂朝乏斗粟莫揮萬錢或炊金饌玉虛左國士  
或草履帶索倨見侯王或脫袍以勞故人或拂衣  
以謝貴客含意則鴻毛為泰山失意則泰山為鴻  
毛於是衆又爭目笑屠子公曰是惡睹屠生屠生

蓋厭惡人士之居貧剪剪乞兒相者而以拓落逃  
馬吾陰察其中實不踈是庸可量乎且泛駕語駿  
駟弛稱材甕盎之物不進於大覲繩尺之夫局語  
於曠節臨深履薄不可謂非英雄然侗儻大業豈  
必拘拘翦翦似似覩覩寧縮脂膏自託鄉曲者耶  
辯哉歲庫午其下第人於是始不信屠子雖其亦  
不自信也公曰力田不如逢年年苟不逢雖力何  
益公與家司馬慰勞其相望於道數握手語曰非  
戰之罪也曩予與子家司馬讀子文則勃勃神王

喜而超謂褒然舉首也乃不意竟落命也為咨嗟  
竊歎已復相顧而笑謂世事不可詰若此吾尚壽  
咎幸而第令不第至今日且奈何家司馬酒微酣  
為某擊節放歌曰吾將上叩九關則虎豹禁不得  
前將浩浩決東海而西逝也排崑崙而東走也將  
捫日月令其轆轤然東西馳也余然後為生抒煩  
懣乎公曰孰謂司馬老而狂彼生聽之有司有司  
聽之命命屬之冥冥彼冥冥者奚以問也令司命  
者舉仲尼顏回詰子將安所置對矣嗚呼世之相



知寧復有若此者哉昔管仲稱千載相知鮑至為之慟哭然未有若公之與某者也生我知我管子猶然至於某當何以云語云士為知己者鮑女三悅已者容斯豫子所以漆身荆卿所以湛族而不悔者也由此言之某之所以死公者當何以哉嗟嗟河清難俟歲月若馳自東哭公柩倉皇涉淮奄易歲矣九原可作乎則執鞭奚辭九原不可作乎則涕何益也於是為之作誄誄曰

於乎我公實產東國靈海汗漫太荒冥廓乃生此

人表世模俗為英為雄間氣是毓夏絕後先配古  
嶽瀆垂髫屬文佳名隱起公家宗伯逡逡殊喜謂  
為神駿颯颯駒子瞻兮上馳一日千里弱冠登朝  
詞藻聯翩明星有爛光葉自天朗照六合士林式  
焉柄大江表聲猷辭烈鼓鑄士類磨厲群詰大江  
以西風行電掣至今蒸蒸多公澡雪既庶藩服乃  
填大邦保釐彈壓勲庸懋明文經武緯炳炳烺烺  
晉太司馬望重 府坐策機宜夷夏安堵時移運  
去天路局促懸車乃東返彼初服高臥嵩阿長嘯

海曲遊神六籍旁引博綜赤縣之外大塊之中鉅  
極龍伯小極璣璣近而几席遠而八紘下之蒙汜  
上之鴻濛微乎罔象灼乎豐隆塚書緯經酉歲兵  
峽禹都之簡泰山之牒蘭臺石室霞宮丹甲莫不  
搴芳掇華泝流窮源撰著川湧篇翰星繁鬼物呵  
護蔽彼名山高出鴻響先登枕壇日月在下雷霆  
吼啞螭冥蛟蚺其餘作者頽波設障力挽大雅冠  
冕南極表儀斯文萬方颺動多士若雲士也不天  
公返厥直隴兮忽兮冲舉絕塵次兮寥兮喪我偉

人山崩海枯木落草黃苦霧四塞白日失光昔我  
汨汨維公是依提之泥塗升之雲霓知我已矣弦  
絕於斯中夜永歎我心傷悲

由拳集卷之二十三目錄

雜著

文論

與友人論詩文

擬岳將軍上秦相國書

嶺西大捷露布

趙太夫人行畧

贈陳伯符奉詔歸娶錦帳詞

由拳集卷之二十三

東海屠隆長卿 著

雜著

文論

世人譚六經者率謂六經寫聖人之心聖人所稱  
道術醅粹潔白曉告天下萬世燦然如揭日月而  
行是以天下萬世貴之也夫六經之所貴者道術  
固也吾知之即其文字奚不盛哉易之冲玄詩之  
和婉書之莊雅春秋之簡嚴絕無後世文人學士

纖穠佻巧之態而風骨格力高視千古若禮檀弓  
周禮考工記等篇則又峰巒峭拔波濤層起而姿  
態橫出信文章之大觀也六經而下左國之文高  
峻嚴整古雅藻麗而渾樸未散含光醞靈如江海  
之波汪洋浩淼非有馳沫搖漾之勢而千靈萬恠  
淵乎深藏明月照之則天高氣清長風蕩之則排  
空動地可喜可愕哉左氏之為文矣賈馬之文疏  
朗豪宕雄健雋古其蒼雅也如公孤大臣龐眉華  
髮叅冠大帶鵠立殿庭之上而非若山夫野老之

脩然清枯也其葩豔也如王公后妃珠冠繡服華  
軒翠羽旄采射人而非若妖姬豔倡之翩翩輕妙  
也其他若屈大夫之詞賦才情傳合縱橫璀璨蓋  
詞賦之聖哉莊列之文播弄恣肆鼓舞六合如列  
缺乘蹻焉光怪變幻能使人骨驚神悚亦天下之  
奇匠矣譬之大造寥廓清曠風日熙明時固然也  
而飄風震雷揚沙走石以動威萬物亦豈可少哉  
諸子之風骨格力即言人人殊其道術之醇粹潔  
白皆不敢望六經乃其為古文辭一也由建安下



逮六朝鮑謝顏沈之流盛粉澤而掩質素繪面目而失神情繁枝葉而離本根周漢之聲蕩焉盡矣然而穠華色澤比物連彙亦種種動人譬之南威西子麗服靚妝雖非姜似之雅端人莊士或棄而不睨其實天下之麗洵美且都矣八珍醕醴以視之古者太羹玄酒之風則媿矣蓋太上不貴而後世爭馳天下之甘旨也鄭衛之聲擬之咸池六英奚翅霄壤不可奏諸宗廟朝廷然而悅耳快心則天下之繁音也詩自三百篇而下有漢魏古樂府

漢魏而下有六朝選詩選詩而下有唐音唐音去  
三百篇最遠然山林晏遊之篇則寄興清遠宮闈  
應制之什則體存富麗述邊塞征戍之情則悽惋  
悲壯暢離別羈旅之懷則沉痛感慨即非古詩之  
流其於詩人之興趣則未失也文體靡於六朝而  
唐昌黎氏反之然而文至於昌黎氏大壞焉詩教  
變於唐人而宋諸公反之然而詩至於宋諸公大  
壞焉昌黎氏蓋所謂文起八代之衰者今讀其文  
僅能摧駢儷為散文耳妍華雖去而添乎無采也

醲腴雖除而索乎無味也繁音雖削而瘠乎無聲也其氣弱其格卑其情緩其法疏求之六經諸子是遵何以哉世人歆六朝之駢儷而樂昌黎之疏散翕然相與宗師之是以韓氏之文遂為後世之楷模建標藝壇之上而羣趨旌干之下一夫奮臂六合同聲斯不亦任耳而不任目之過乎六經而下古文詞咸在正變離合總總夥矣然未有若昌黎氏者昌黎氏之文果何法也藉令昌黎氏之文出於周漢則不得傳何者周漢之文無此者周漢

誠無用此文為也昌黎氏之所以為當時宗師而  
名後世者徒散文耳今姑無論其他即如兩漢制  
誥誰非散文冲夷平淡都無波峭之氣而朴茂深  
嚴遠而望之則穆然光沉迫而視之則神采隱隱  
風骨格力往往而在昌黎氏之文若是邪論者謂  
善繪者傳其神善書者模其意昌黎氏之文蓋傳  
先哲之神而脫其軀殼模古人之意而遺其形畫  
者也奚必六經必諸子哉且風骨格力韓子焉不  
有也嗟乎令韓子不屑屑於擬古而古意矯然具

存即奚必如六經如諸子而自為韓子一家之言  
可也今第覩其文卑者卑弱而不振高者詰屈而  
聲牙多者裝綴而繁蕪寔者率畧而簡易雖有他  
美吾不得而知之矣尚焉恥風骨格力於其間哉  
厥後歐蘇曾王之文大都出於韓子讀之可一氣  
盡也而翫之則使人意消余每讀諸子之文蓋幾  
不能終篇也標而趨之者非韓子與宋人之詩尤  
愚之所未解古詩多在興趣微辭隱義有足感人  
而宋人多好以詩議論夫以詩議論即奚不為之

而為詩哉詩三百篇多出於忠臣孝子之什及閭閻匹夫匹婦童子之歌謠大意主吟咏抒性情以風也固非博綜詮吹以為篇章者也是詩之教也唐人詩雖非三百篇之音其為主吟咏抒性情則均焉而已宋人又好用故實組織成詩夫三百篇亦何故實之有用故實組織成詩即奚不為文而為詩哉甚而叫嘯怒張以為高厲俚信猥下以為自然之數者蘇王諸君子皆不免焉而又徃徃自謂能入詩人之室命令當世則吾不知其何說也

明興壯地李獻吉信陽何仲默姑蘇徐昌穀始力  
興周漢之文詩自三百篇而下則主初唐厥後諸  
公繼起氣昌而才雄徒衆而力倍古道遂以大興  
可謂盛矣然亭士大夫之奮起其間者或抱長才  
而乏遠識踔厲之氣盛而陶鎔之力淺李左國者  
得其高峻而遺其和平之史漢者得其豪宕而遺  
其渾博模稜擬法拘而不化獨觀其一則古色蒼  
然總而讀之則千篇一律也愚嘗取以自諗蓋亦  
時時有之有之而思變之猶未得其要領焉嗟乎

文難言哉。愚意作者必取材於經史而鑄意於心。  
神借聲於周漢而命辭於今日。不必字字而琢之。  
句句而擬之。而浩博雄渾。識者自知其爲周漢之  
文。不佞昌黎以下語斯。其至乎今。文章家獨有周  
漢之句法耳。而其渾博之體未備也。變化之機未  
熟也。超妙之理未臻也。故吾願與海內諸君子勉  
之。夫夫文不程古則不登於上品。見非超妙則傍  
古人之藩籬而已。壯夫者稟靈異之氣。挺秀拔之  
姿。竭生平才智以從事文章家。乃不能高足遠躡。



洞幽極玄以特立千百載之下與古人並驅而前  
分道而抗旌而徒傍人藩籬拾人呾唾以為生活  
彼古人且奴眎之曰是為我負擔而割裂我者傳  
之後世以為何如又非所以令韓歐諸君子見也  
令韓歐見如是之文彼且得而藉口口始二三君  
子姍咲我將謂二三君子之文心標異而出之立  
於太古之上也奈何影响古人而以詫古為如是  
不於我可少寬乎吾文即非古然何者非自得而  
徒咕咕倣古自喜也若然則二三君子苟非得之

超妙無輕議古苟非深於古無輕言韓歐也夫挾  
天子以令諸侯諸侯將奔走焉麋而虎皮人得而  
寢處之矣深於古以言韓歐是挾天子以令諸侯  
者也影响古人而求豚之則麋而虎皮矣諸君子  
其無為韓歐寢處哉

與友人論詩文

里中有友人見過與僕拏掌譚詩文自三百篇下  
逮唐人若李杜若高岑王孟以及我朝李獻吉李  
于鱗王元美諸公率置喙焉而獨推宋人詩若蘇

長公輩及我朝楊用脩及一不知名某孝廉謂周  
漢間文字不可學獨昌黎氏可學唐人惟杜少陵  
兼雅俗文質無所不有比物連彙字句皆鑿鑿有  
據景與意會情緣事起隨地布語不執一塗其最  
可喜者不避麤硬不諱小野縱其才情之所之若  
無意為詩者李太白凌空駕語務言言蕭灑都不  
切事情如詩何杜萬景皆實而李萬景皆虛杜深  
於賦而李獨長於興然杜猶恨其時有詩人之態  
耳僕謂老杜大家言其兼雅俗文質無所不有是

矣乃其所以擅場當時稱雄百代者則多得之悲  
壯瑰麗沉鬱頓挫至其不避麤硬不諱朴野固云  
無所不有亦其資性則然老杜所稱擅場在此不  
在彼明矣而謂杜之妙在麤朴何也且杜亦自云  
平生性僻耽佳句語不驚人死不休良工苦心往  
往形神為索而謂杜無意於詩且不擊登聞鼓訟  
寃乎李杜品格誠有辨矣顧詩有虛有實有虛虛  
有實實有虛而實有實而虛並行錯出何可端倪  
乃右實而左虛而謂李杜優劣在虛實之辨何與

且杜若秋興諸篇託意深遠画馬行諸作神情橫  
逸直將播弄三才鼓鑄羣品安在其萬景皆實而  
李如古風數十首感時託物忼慨沉著安在其萬  
景皆虛夫品格既高風韻自遠凌空駕語何害大  
雅屈大夫傷時眷主見諸篇什誠然實景至其遠  
遊等篇凌虛徑度豈不高哉大人凌雲疇非佳境  
遊僊招隱亦是美談今夫登閣風坐天姥傍日月  
挾飛僊即不能至言以快心思之神王豈必據寸  
壤處蓬茨盤跚踈躑食飲而已然後為實景可書

哉賦之與興六義所談詩人何可不有而謂杜深  
於賦李獨長於興且以此置雌黃焉何居杜如垂  
老新婚潼關石壕兵車出塞悲陳濤哀江頭賦也  
紀行懷古赤霄朱鳳秋風佳人何謂無興也李如  
飛龍懷僊天姥太白興也大雅蟾蜍南箕北斗興  
也何非賦也客曰李杜之詩之美猶可識李杜而  
下無論其他即如世所稱王楊沈宋高岑王孟其  
美安在藉令諸公得意之詩為後人所遞相贈與  
者嘗試存其篇什掩其姓名而謂為近世之佳人

奈何能知其美也僕曰人奈何能不知其美也於此不知安用詩為又云唐人安得有詩夫天下事物無盡情景累移唐人都不能隨事觸景創出胷臆或博蒐古今奇文奧義多所鋪陳而徒以天地山川風雲草木數字遞相祖述稍變換而為之蓋千篇一什也而且自謂能發揮性靈長於興趣安在其為詩且詩道大矣鴻鉅者纖細者雄偉者尖新者雅者俗者虛者實者輕而清者重而濁者華而縟者朴而野者流利而俊響者艱深而詰屈者

景之所觸質直可情之所向俚下亦可才之所極  
博綜猥瑣亦可如是乃稱無所不有茲老杜之所  
用擅塲也而唐人徒用丽字秀語為聲俊取其鼓  
吹鏗然如出一口今之王李如是下往往誦法唐  
人務為工緻而已于鱗旣已若此足下何不廣心  
自縱蒐隱博古標異出奇旁通俚俗自為一家言  
以傑然特立諸公之上而徒沾沾工緻自喜學唐  
人不成即又為于鱗而已僕謂何言之易也唐人  
長於興趣興趣所到固非拘攣一途且天地山川



風雲草木止數字耳陶鑄既深變化若鬼即不出  
此數字而起伏頓挫迴合正變萬狀錯出悲壯沉  
鬱清空流利迥乎不齊而總之協於宮音嫻於音  
節固琅然可誦也子徒以其琅然可誦也而謂一  
切工緻已爾唐人不又稱大宛乎誠如子云詩道  
不已雜乎詩者非他人聲韻而成詩以吟咏寫性  
情者也固非蒐隱博古標異出奇旁通俚俗以炫  
耀恢詭者也即欲蒐隱博古標異出奇旁通俚俗  
以炫耀恢詭曷不為汲冢竹書廣成素問山海經

爾雅本草水經齊諧博物淮南呂覽諸書何詩之  
為也且詩出於三百篇三百篇誠多識鳥獸草木  
然不過就其所見觸物而為之何嘗炫竒標異試  
取三百篇而讀之大率閒雅且都出於田夫里婦  
之口何者不委婉曲折琅然可誦而乃務以朴野  
質直為能自脫筆墨蹊徑不落藩籬乎老杜語多  
質朴濫觴蘇黃諸君不知老杜之所以高妙特立  
正不在此矣如落日照大旗馬鳴風蕭蕭如陰房  
鬼火青壞道氣湍瀉如青眼高歌望吾子眼中之

人吾老矣如萬里悲秋長作客百年多病獨登臺  
如江間波浪兼天湧塞上風煙接地陰如三年笛  
裏關山月萬國兵前草木風如五更鼓角聲悲壯  
三峽星河影動搖如永夜角聲悲自語中天月色  
好誰看如金粟堆前松柏裡龍媒去盡鳥呼風如  
斯須九重真龍出一洗萬古凡馬空不大悲壯乎  
如岱宗夫如何齊魯青未了如公主歌黃鵠君王  
指白日如中宵駢車去飲馬寒塘流如俯視但一  
氣焉能辨皇州如雲氣生虛壁江聲走白沙如吳

楚東南圻乾坤日夜浮如星隨平野闢月湧大江  
流如詔後二殿去碑到百蠻開如山河扶綉戶日  
月近雕梁如樓雪融城濕宮雲去殿低如浮雲連  
海岱平野入青徐如錦江春色來天地玉壘浮雲  
變古今如織女機絲虛夜月石鯨鱗甲動秋風如  
江光隱見鼉鼉窟石勢參差鳥鵲橋不大瑰麗乎  
如落月滿屋梁猶疑照顏色如天寒翠袖薄日暮  
倚脩竹如勿為新婚念努力事戎行如妾身未分  
明何以拜姑嫜如信美無與適側身望川梁如孰

知是苑別且復傷其寒如少壯幾時奈老何向來  
哀樂何其多如古人白骨生青苔如何不飲令心  
哀如青絲絡頭為君老何由却出橫門道如君王  
舊跡今人賞轉見千秋萬古情如野館濃花發春  
帆細雨來如暗水流花徑春星帶草堂如露從今  
疲白月是故鄉明如親朋盡一哭鞍馬去孤城如  
江清歌扇瘥野曠舞衣前如龍武新軍深駐輦笑  
容別殿謾焚香如踈燈自照孤帆宿新月猶懸雙  
杵鳴如画圖省識春風面環珮空歸月疲魂不大

宛轉流利乎老杜之美其大者灼灼若是乃一切  
置不論而獨取其蘧朴以為擅場老杜有靈不月  
盧地下乎又云今人文章往往好學周漢周漢之  
文非不美顧何可學學而不成祇增醜耳余曰韓  
昌黎何如曰昌黎蓋文章家之武庫也何所不有  
矣且其文大氏雅馴不詭於大道然則朱仲晦之  
詩疏可學與曰彼蓋無意為文者也何論工拙六  
經之文何如曰彼蓋有意為文者也美矣余曰  
不然周漢之文與昌黎文具在業已有定品無庸

短長且人亦何學也脫人能立剖判之先出六合之外從前人之所不道而高自出奇又何學也即學矣獨柰何能舍周漢而學昌黎氏也謂昌黎無所不有周漢獨何所無邪謂昌黎不詭於大道周漢獨於大道詭邪仲晦無意為文即無論工拙六經獨有意為和無論無不有也無有也周漢之文美也無論美也周漢也無論不美也昌黎也無論有意為也無意為也六經之文合大道也無論大道合不合也六經美也無論美也六經也仲晦氏

也不同口語矣

擬岳武穆從軍中遺秦相國書

岳飛頓首頓首致書相國之下飛自領王師渡河  
賴陛下之靈相國之智所當摧鋒陷陳大河以北  
無堅城飛令諸軍北北且大醉黃龍府諸軍聽飛  
鼓音無不踴躍起介而馳者虜人無當也飛於時  
謂遂定中原挈兩宮而還之陛下直唾手取之矣  
然後角巾投老西湖之上飛之願也乃今者一日  
奉陛下金牌十二詔飛班師天王有命臣懼殞越



於下飛奈何敢不班師哉然從東南來者皆言非  
陛下意謂謀出相國相國寔陰持之飛竊意相國  
為陛下輔弼之臣陛下之遇相國厚矣語有之瓶  
之罄矣維罍之恥相國為天子大臣如何令虜人  
倡獫狁盡棄大河以北赤縣神州二帝越在草莽而  
坐擁江南尺寸之土以偷老其間則焉置相矣相  
國如天下何內折中原之氣而外長仇讐相國必  
不然故敢以書奏飛日者渡河來頓瞻帝京徘徊  
宮闕咏宋微子麥秀之謠吟周大夫黍離之藹扼

腕而起仰天長號蓋不知其淚之淫淫下也二帝  
遠在沙漠之鄉望救於相國一夕百年耳願相國  
念之且相國嘗從胡中回烟沙之地不慘於中原  
乎瓊裘之人不陋於冠裳乎虜人之遇相國誠厚  
孰與大國之相乎柰何令二帝久辱胡中也君父  
阡在危亡此臣子枕戈泣血之時誓不俱生之日  
申包胥何如人哉飛一日班師赴闕下相國且握  
手勞飛賜飛卮酒飛寧能下嚙邪相國即不念二  
帝如陛下何今中原取於掌上二帝旋於目前功

業垂成而棄之令飛十年經營廢於一旦能不痛心詔書到軍中父老擁飛馬首哭者萬數相國不聞也相國何親於虜陛下何負於相國哉是役也即出陛下意相國何不彊諫陛下必聽相國相國之言行則功在社稷名流天壤此萬世一時也願相國圖之飛為陛下取中原還二帝非以已也陛下今召臣臣業已還師即歸死司寇身首異處臣請受而甘心焉於飛何有哉第棄垂成之圖而失萬世之利俛首喪氣為天下笑飛甚借之相國一

旦不戒行且獲戾萬代無已時飛為相國謀忠相國其熟計之無忽

擬嶺西大捷露布

萬曆五年月日總督兩廣軍務某官臣某奉詔討嶺西徭浪等賊臣等親率大軍與賊接戰仰伏天威大致克捷遂平羅旁等處地方者竊以嶺以西南控交廣壯極猗猗丹駝印笮之所鬱盤蒼梧離水之所襟帶大藤峽折而走險密菁叢篁挺而造天自盤輳啓疆南粵王檀命以來夷獠窟宅凶逆

盤據編民土豪回祿為姦阻山谿之險憑林麓之  
深抗撓官軍剽掠遠近飄忽出沒肆為跳梁得志  
則橫行於一方失利則逃竄於崖谷勝則虎攫鴟  
張敗則狐潛鼠伏累煩徒衆迄不能平禍本不芟  
蒐薶莫盡侵犯我土宇虔劉我元元將士懷枕戈  
之憂邊人苦荼毒之慘是累歲之所經營而弗靖  
者也皇帝乃眷南顧閔念黔首因賜臣以璽書假  
臣以節鉞計在討平禍亂奠安疆圉臣等肅將天  
威大舉征討總百粵之師揚六軍之氣謀在夙戍

機隨事變相其地形扼其要害張疑設伏先聲伐  
謀截其歸路防其崩潰以聖天子之威靈將士之  
協心金戈耀日鐵騎如雲陣勢疾於風雷材官奮  
於貔虎前隊鳴刀千山宵度後營吹角萬騎朝馳  
象旗西指天聲載揚武士南臨戎氣先奪叱咤則  
山嶽鼓舞顧盼則江河倒流一戰而賊鋒已挫再  
戰而虜群遂空譬如疾風之掃秋葉泰山之壓累  
卵擣其巢穴殲其種類絕其本根杜其滋蔓捧大  
明而開瘴癘八桂清塵挽天河以洗甲兵九嶷生

色斬首百十萬俘虜百千許血變河流黃沙四起  
遺骸山積白日為昏短狐不鳴長鯨影滅收大戮  
於京觀斷梟槍於南天遂令婦子相保閭閻復業  
草綠蠻烟散千家之野哭波平瘴海還萬井之笙  
歌千里以之蕩平百蠻為之震動銑訶清而列校  
喜朱鷺肅而蕃部寧將勒銘於萬年用告成於九  
廟豈止馬援立南征之柱唐蒙橫下瀨之戈而已  
哉蓋當虜運告終皇靈大暢臣何力之有方且東  
晏鯉人之國北清大漠之塵盡平四夷永寧函夏

皇圖萬紀與天無極臣等亦且息鼓擊壤而歌擊壤  
銷金甲以事春農不豚踴躍歡忭之至謹遣某官臣  
某露布以聞

趙太夫人行畧

家母姓趙氏外家祖父諱瓚與啻文懿公同舉於  
鄉文懿公才外祖相得甚驩用薦起家累官江西  
叅政趙氏至叅政公蓋五世科第矣家母幼得家  
教敏慧多法度選名家子歸先君先君為人朴茂  
坦夷少居里閭頗好樗蒲六博挾彈走馬以故始



學學廢已學殖殖又敗殖失利不止已又失利  
又不止從敗殖之道至四五發不利而終不肯輟  
不為猶謂是達然云伯氏鬻其第償官逋併鬻先  
君第先君弗問人或給先君陰取其貲先君不知  
也家以是日益貧而先君日益舍然拓落家母朝  
夕勤拮据之力以相先君逮晚年子女諸孫寔多  
家用百不給一先君一切懸解不復厘意家人產  
業獨以花木竹石自老日中行遊至莫有勦勦以  
耳詰朝不問晨炊起遶籬走眎群卉榮枯而時乃

灌漑家事無關白先君即有關白先君殊弗聞事  
無細大咸家母身當勤苦蓋元元積數十禩靡有  
所即安愚兄弟六人諸兄皆又學學不統而先君  
以歲丙寅見背蓋自是家奄微不振乃不肖隆稍  
稍以學起諸生間家母嘗慨謂不肖隆曰自而  
父以拓落自適遭家不造吾備嘗諸艱難積數十  
年於茲今老矣幸兒子用文學有聲辱知鄉之薦  
紳先生庶幾逢時致身光起大業無論逢時致身  
即克自砥志好脩而不忝為人即而父母之志願

伸矣乃隆又困諸生十年意嘗邑邑家母曰力田不如逢年年且不逢雖力何益兒安之而母豈以數十年之艱難而心豔而一朝之倖兒安之至去歲丙子隆始獲舉於鄉歸家母又忼慨言曰兒今幸一舉惜而父不及見而父平生拓落無他腸終身不見機事今兒能用文學起家庶幾章而父之素行矣是吾之所以悲而復喜也若兒子之榮遇尚不可知吾今八十年之人豈有賴焉勉旃自愛無忝為人第餘事耳今年是為萬曆丁丑不肖隆

幸登進士第而家母適春秋七十有九隆奉命頌  
上令行有日碩自度家母明年八十而隆且以吏  
事走四方即欲為壽安所得長者之言而稱之敬  
用微寵靈於吾子吾子實知不肖隆深幸不惜賜  
一言為光榮豈惟家母雖先君而上咸受嘉貺無  
已時幸吾子其實圖利之

贈陳伯符奉詔歸娶錦帳詞

黃姑織女銀河渡天上雙星弄玉簫即金屋貯人  
間二秋連理瓊枝倚春風而闌羨合歡錦帶指新

月以要盟花生綦履步搖光暎流黃風動明璫文  
綺香薰積翠洲渚和聲度王睢之窈窕延津寶氣  
合龍劍之雌雄綢繆不解託雅調於朱絃宛轉無  
端寄柔情於錦瑟蓋移洞府於塵寰即神僊不足  
為樂而等佳期於天漢雖日月不足為長連婚龍  
女徒傳柳毅之譚下嫁文簫奚取綵鸞之事恭惟  
卽君桂林一枝崑山片玉年少登朝羨芙蓉之出  
匣才高作賦抒錦繡之凌雲茲者上書以請暫辭  
鵷鷺之班奉詔而歸求結鸞凰之侶文就千言美

笑東都之才子妝成七寶塲然南國之佳人洛濱  
拾翠蘭房初照乎夜珠上國觀花梓里况榮乎畫  
錦絳蠟高然總妬盈階之月色紅銷半拂猶懷滿  
袖之天香光華並耀倚綽約而花垂律呂相和吹  
參差而鳳下語燕窺簾青春深而不去流螢度砌  
良夜何其未央生平之樂事都無人共之歡娛不  
數縷結同心日麗屏間之孔雀蓮開並蒂影憐池  
上之鴛央然且饁糞缺之耕舉梁鴻之案此才鮑  
謝彼美姬姜采綠道周薦蘋宗廟百年為好萬口

稱賢於是又重之以詞其詞曰

華屋重門啟正開簾花近龍笙金屏月上羅綺香  
中雲不散相映銀缸綉幌年少也風流兩兩何處  
天風吹得下似一雙綵鳳紛來往明月度玉簫響  
卽君得意辭天仗乍相逢新人似玉明珠入掌宛  
轉流蘓誰不羨萬朵芙蓉宮羅帳人却在瑤池蓬閣  
占斷人間歡樂事只人間何必如天上對風景總  
堪賞

白拳集卷之二十三終

由拳集叙後

青浦門人彭汝讓著

由拳集者東海屠長卿先生所著也  
集凡若干卷摛菁弱冠者十四振藻  
登庸者十六蓋旣成而有客謂先生  
曰物之精華天地所秘何物長卿乃  
手探象緯口吐霞霧雕錦匠之奇洩



造化之窟耶又曰櫝肴異珍詎令長  
藏懷有明珠曷俾暗投盍廣諸先生  
謝客曰丹素異炫識鑒逾昏故茂先  
寡智則誰為干將誰為莫邪子期亡  
賞則誰為高山誰為沅水鮮英罕存  
華辭易毀吾將藏之名山矣客曰子  
虛賦而孝文恨不同載法言成而君

山知其又傳余固靡有知識詎寧以  
磨為麟以雉為鳳耶且好醜愛憎初  
匪相閼枿蘭琚瑤亦所並崇繼積毀  
扇於青蠅多口滋於妬嬖吾為子解  
嘲矣乃親披編牘用以殺青云嗟乎  
先生志堇曜靈蛟門孕秀家無擔石  
蚤有生魚門對大流曠夕塊抱雅調

雜伎獨喜豪吟探玄而玄咀微而微  
上睇千古闊步一土旁無人也嗟乎  
先生束髮授書游心區表開設門戶  
標紼旗幟縱橫蔚於河漢綺繪充於  
箱帙倚與偉矣夫敏以楊脩彌日不  
獻才以劉鴟攬筆遲回先生舌妙談  
鋒腹涵經庫含毫輒紫千言動墨即

申長素雲飈電駛風行濤怒飛兔膽  
驚山鬼魄禰洵才輟賈誼捷先枚乘  
矣聿稽竹素可得而云其文漆園在  
前御寇在後先秦驅左兩漢馭右其  
詩諷深三百韻標十九沈宋良勿李  
杜好受其易則迸澁難之指其難則  
薄平淡之趣其詭怪則目游神竒其

突蹶則肘搏巨蟒其深長則遠人之  
入太興其奔佚則造父之控生馬思  
劇沈鬱語亡襲仍凡極天岬地形越  
神超即小際嫺情意新句繪曾何心  
於夙構特掉觚於食時嗟乎先生所  
謂天地心生心生言立言立文明者  
耶先民有言州縣之職徒勞人耳載

觀先生有不其然夫法程銜勒雅道  
趙昶磬折塵宮斯文氏迂茲軌則弄  
吻舞文豪強則關白請覆材難徧及  
臧豈易宮先生為之子產服寬魯恭  
著異府若無人遮若無東惟恢刃以  
覃猷每挾而清嘯南州之榻以下  
北海之樽不空雖宓子鳴琴葛生句

漏胡足云矣汝輩以襪線之材誤妝  
藥籠之物幸披心句猥屬論序魏文  
賦觀於捧玦交甫詫視於解珠無以  
過也雖然概蘭英之為國香豔仁表  
之為人瑞汝讓不敏敢不捫肝以嚮  
意摘辭而抒素云